

Les plus anciens documents linguistiques de la France
Corpus : chartes du Jura (chJu)
Responsable du corpus : Martin-D. Glessgen
Édition de la charte : Julia Alletsgruber (révision: D. Kihai)

chJu069

Édition critique

1287 novembre

Type de document: charte: litige

Objet: Jean de Chalon comte d'Auxerre rapporte un conflit qui oppose Barart, prieur de Saint-Oyand, et le seigneur Jean de Binans, chevalier, au sujet des dîmes de la paroisse de Saint-Aignan de Rosay.

Auteur: Jean de Chalon, comte d'Auxerre (et seigneur de Rochefort)

Disposant: abbaye de Saint-Oyand; Jean chevalier de Binans

Sceau: auteur

Bénéficiaire: ?

Autres Acteurs: official de Besançon

Rédacteur: CAuxerre!

Lieu de conservation: AD Jura 2Hps 299

Transcription de la charte

1 Nos· Jehans de Chalon cuens d'Aucere· **2** faisons savoir à touz ces
 qui verrunt *et* orrunt ces presentes \2 lettres· **3** que com descors fust
 mehuz· entre frere Barart humile *et* religious priour de Saint \3
 Oiant *et* lou covent de cel meisme leu par-raison de l'iglise de Saint
 Oiant d'une part· *et* mon soignour \4 Jehan de Binant chevalier d'
 autre part· **4** par raison des dismes de la parroiche de Saint Aignan
 de Rosey \5 li quels estoit es diz religious· ansin com il effermoient
 dou quel disme il avoient fait ajorner \6 lou dit mon soignour Jehan
 de Binant *par* devant l'official de Besençon· *et* pour segner lou plait
 tant que \7 à sentence diffinitive· **5** Et avoient fait lou dit Jehan
 excomm_unier *per* la sentence dou dit \8 official· pour chouse jugié
par raison dou disme dessus-dit· ansin com il effermoient· **6** Li dit
 \9 religious ont confirmé à la priere *et* à la requeste de nos· essodre
 lou dit mon soignour Jehan· \10 **7** en tel menere que li diz mes sire
 Jehans ai promis *per* son sairement donei sur sainz Evangile \11
 corporelment es diz religious *par* devant nos· de atendre *et* de tenir
 lou regart ou lou droit \12 de nostre cort· senz plait· senz dilation·
 senz attreation· *et* senz reclain· ne rapel d'autre cort· \13 de yceu que
 li dit religious li seront demander es dismes dessus diz· **8** *et* de la
 plaigerie d'ou \14 nous lour sumes tenuz de saxante *et* dix livres·
 pour lou dit Jehan dou fié qu'il tient de lour qui \15 il lour ai obligié
 ansin com il est contenuz en une letre qu'il an ont seelee de notre
 seel· **9** Et sé \16 ansinc estoit que li dit disme fussent ajugié es diz
 religious pour lou droit ou par lou \17 regart de nostre cort· *et* li diz
 mes sire Jehans· ne lour pehust faire delivrer les diz \18 dismes pour
 aucun tans· li diz mes sire Jehans met· *et* obligé en nostre main· à
 Laudes diz \19 religious lou fié que il tient *et* doit tenir des diz

religioux· **10** c'est à savoir de l'abbey *et* dou covent· de Saint Oiant·
ou territoire de Missie· de Sancié *et* de Chambarie· *et* en \20 quelque
leu qu'il lou tiegne ou doit tenir· s'il lou droit *et* l'obligation que li dit
religioux re\21clament es fiez dessus-dit que li diz mes sires Jehans
tient ou doit tenir de lour· **11** Et veat \22 *et* outroie li diz Jehans que
se li droiz de *notre* cort ou li regars· aportoit les dismes desus-diz \23
es diz religioux· et il ne les lour pooit delivrer *par* aucun caux· que
nos delivressons es diz \24 religioux autant vaillant de son propre
herietaige li quels est dou fié es diz religioux· \25 **12** Et est enloiez en
notre main-à loe des diz religioux· Et toutes ces chouses
dessus-dites ai promis \26 li diz mes sire Jehans garder *et* atendre·
fermement· en pais· *et* senz plait· *par* son sairement \27 donei sus
Sainz Evangiles corporelment· **13** Et nos li dessus-diz Jehans cuens
d'Aucere· avons \28 promis· en bone foi es diz religioux· faire à joir
de la dite obligation *que* mes sires Jehans \29 dessus-diz ai fait en n
ostre main à sat des diz religioux· Et de tel droit *et* de tel rai\30son
com il lour serai ajugiez pour lou droit ou *pour* lou regart de *notre*
cort· **14** En tes\31moign de la quel chouse· à la priere *et* à la
requite· dou-dit mon soignour Jehan de \32 Binant· nos avons fait
matre *notre* seel pendant en ces lettres· donees· **15** l'an de grace \33
corrant *par* mil doux cenx quatre_vinz *et* sept· ou mois de
novembre·